



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU KOMUNISTIČKE PARTIJE

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Komunističke partije za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Komunistička partija prekršila odredbe člana 12. stav (3) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Komunističke partije za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Komunistička partija se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	12.157,00	100,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	12.157,00	100,00%
II	Kreditno zaduženje kod banaka	0,00	0,00%
	Izvori finansiranja (I+II)	12.157,00	100,00%

U godišnjem finansijskom izvještaju stranka je iskazala ukupne rashode u iznosu od 2.576,00KM.

2. PREDSTAVLJANJE POLITIČKE STRANKE

Naziv političke stranke je Komunistička partija. Skraćeni naziv stranke je KP.

Komunistička partija je upisana u registar političkih organizacija kod Općinskog suda u Sarajevu rješenjem broj: 065-0-F1-12-00005 od 10.04.2012. godine.

Sjedište političke stranke je u Sarajevu, ulica Alije Imamovića broj 44.

Lice ovlašteno za zastupanje Komunističke partije je Muhamed Imamović, predsjednik stranke.

Lice ovlašteno za podnošenje finansijskih izvještaja za 2013. godinu je Dražen Ljiljanić.

Prema podacima iz godišnjeg finansijskog izvještaja za 2013. godinu Komunistička partija nema niže nivoe organizovanja.¹

¹ Pregledom godišnjeg finansijskog izvještaja utvrđeno je da stranka ima 2 odbora i to: Općinski odbor KP Tuzla i Gradski odbor KP Banja Luka.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Komunističke partije za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Komunističke partije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja za 2012. godinu i izdala izvještaj o pregledu sa mišljenjem revizora, nalazima i preporukama stranci da uspostavi evidencije o svim rashodima stranke, bez obzira na koji način su nastali i bez obzira na njihov način plaćanja, da finansijske izvještaje podnosi u formi koju je odobrila Centralna izborna komisija BiH i da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izornoj komisiji BiH.

5. NALAZI I PREPORUKE

5.1. NALAZI

a) Na osnovu obavljenog pregleda, utvrđeno je da je Komunistička partija prekršila odredbe člana 12. stav (3) Zakona o finansiranju političkih stranaka.

- (1) Uvidom u obrasce 1 (opći podaci o političkoj stranci) i 1-1 (teritorijalna struktura političke stranke) finansijskog izvještaja utvrđeno je da Komunistička partija nije iskazala Općinski odbor Komunističke partije Tuzla kao ni organizacioni dio stranke u Banjoj Luci, što nije u skladu sa odredbama člana 9. i člana 10. Pravilnika o godišnjim finansijskim izvještajima političkih stranaka.

Stranka je na obrascu 1. (opći podaci o političkoj stranci) finansijskog izvještaja navela da nema niže nivoe organizovanja. Prema podacima koji su dostavljeni Centralnoj izornoj komisiji Bosne i Hercegovine, Komunistička partija je dana 24.08.2013. godine osnovala Općinski odbor KP Tuzla. Takođe, uvidom u poslovne knjige utvrđeno je da je stranka tokom 2013. godine primila sredstva iz budžeta Grada Banja Luka u iznosu od 12.157,00 KM, što ukazuje da stranka ima organizacioni dio u Banjoj Luci.

- (2) Služba za reviziju je utvrdila da Komunistička partija nije u obrascu 2 (pregled prometa svih transakcijskih računa političke stranke) godišnjeg finansijskog izvještaja iskazala tačne podatke o prometu ostvarenom po transakcijskom računu stranke broj: 3060352622892126 kod Hypo Alpe Adria banke, čime je prekršila odredbe člana 11. Pravilnika o godišnjim finansijskim izvještajima političkih stranaka.

Kontrolom izvoda sa transakcionog računa kod Hypo Alpe Adria banke broj: 3060352622892126, utvrđeno je da podaci o prometu izlaza i stanju na dan 31.12.2013. godine nisu pravilno iskazani. Kontrolom izvoda sa transakcionog računa utvrđeno je da je promet izlaza iznosio 12.176,47 KM a stanje na dan 31.12.2013. godine 0,43 KM. Stranka je u godišnjem finansijskom izvještaju iskazala promet izlaza u iznosu od 12.157,00 KM, odnosno stanje na dan 31.12.2013. godine 0,00 KM.

b) Komunistička partija prekršila je odredbe člana 12. stav (4) Zakona o finansiranju političkih stranaka.

Dana 10.02.2015.godine, Centralna izborna komisija Bosne i Hercegovine je Komunističkoj partiji uputila Zahtjev za dostavljanje dodatne dokumentacije za 2013. godinu² kojim je od stranke zatraženo da dostavi kopiju dnevnika blagajni za period 01.01.- 31.12.2013. godine sa svom pratećom dokumentacijom (nalozi za naplatu, nalozi za isplatu sa računima kojima su pravdane isplate troškova).

Uvidom u službene evidencije utvrđeno je da stranka nije dostavila traženu dokumentaciju u skladu sa zahtjevom.

Obzirom da Komunistička partija nije postupila u skladu sa zahtjevom Centralne izborne komisije Bosne i Hercegovine, odnosno da nije dostavila dodatnu dokumentaciju, prekršila je odredbe člana 12. stav (4) Zakona o finansiranju političkih stranaka.

5.2. PREPORUKE

Preporučuje se Komunističkoj partiji da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, i***
- ***da dostavlja dokumentaciju po zahtjevu Centralne izborne komisije Bosne i Hercegovine.***

KOMENTAR

U ostavljenom roku, Komunistička partija nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2013. godinu.

Šef Odsjeka za revizijske poslove
Sanja Tošović

Šef Službe za reviziju
mr.sc Hasida Gušić

Revizor
Nevenko Andan

² Zahtjev broj: 03-07-6-338-6/14.

